

# 大日本史

八十

第一百九十一卷 將軍家臣列傳  
 平廣常 千葉常胤 三  
 浦義明  
 第一百九十二卷 將軍家臣列傳  
 北條時政 小山朝政  
 第一百九十三卷 將軍家臣列傳  
 佐佐木秀義

和書門	二〇二五
類	三八
號	三
函	二
架	五
冊	一五〇

内閣文庫	
番號	和 20258
冊數	150(30)
函號	138 195

庫文	二〇二五
一三八函	一五〇冊
二〇〇架	二〇二五
冊	三八
號	三
類	和書門

架冊二一  
六五番和

史傳



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大日本史卷之百九十一

淺草文庫

列傳第一百十八

權中納言從三位源光圀 修

男權中納言從三位綱條 校



孫權中納言從三位治保重校

將軍家臣

平廣常

平葉常胤胤正胤賴

平浦義明子義澄子義忠弟義實



平廣常出自上總介高望、父曰常隆、任上總

介、平氏系圖○本書隆一作澄本廣常為上總權介、東鑑稱介

八郎、保元平治之亂屬源義朝、以勇聞、保元物語

平治物語所謂廿七騎之一也、平治物語後屬平氏、源

賴朝起兵、北條時政說賴朝以廣常東國望

族先致之、源平盛衰記賴朝遣和田義盛召廣常、

廣常觀望未應、源平盛衰記義既而石橋

軍敗、賴朝奔于上總、復使義盛趣之、廣常託

以徵兵未集、不時赴焉、東鑑聞千葉常胤等應

賴朝、始帥周東周西伊南伊北廳南廳北兵

二萬、往會于隅田川、賴朝怒其後至、不輒見

之、使土肥實平傳命曰、當在後軍以受指揮、

初廣常意方今天下兵馬無非平相國之管

轄也、賴朝單身起兵、事不必濟、若其人庸瑣

而非將帥之器、則當斬以獻平氏、且以謂我

今驅大兵赴之、其必大喜矣、及聞命意大沮、

謂有人君之度、遂傾心事之、參取東鑑、源賴

朝併廣常軍、兵勢大振、及平維盛敗于富士

河、賴朝欲進兵躡後。時佐竹義政、佐竹秀義擁衆在常陸。廣常與千葉常胤、三浦義澄勸先滅之。賴朝赴常陸。義政、秀義宗族強盛，威振闔境。故與諸將胥議，以廣常有姻好，往說義政、秀義降之。而秀義以父隆義屬平氏在京師不從。唯義政與廣常俱來。賴朝給屏其從者，令廣常斬之大矢橋上。秀義遂據金沙城。金沙高峻險絕，賴朝進攻不能拔。明日廣常謂賴朝曰：秀義叔父有藏人義弘者，狡黠多欲，啗以重利，必將離畔。如得義弘，取秀義不難矣。賴朝頷之。廣常往說義弘曰：東國之人，莫不歸仰武衛。今冠者據守孤城，欲與之抗，其亡可翹足而待也。爲子計，宜早改圖。攻殺冠者，則不啻免死。所在采地，永爲子有矣。義弘大喜，引廣常兵，鼓譟出城。後城兵驚擾，不能支。秀義棄城走。廣常素多兵馬，恃功驕恣。三浦義澄享賴朝於三浦。廣常應召來會，望見賴朝，據鞍長揖。佐原義連勸之下馬。廣

多欲，啗以重利，必將離畔。如得義弘，取秀義不難矣。賴朝頷之。廣常往說義弘曰：東國之人，莫不歸仰武衛。今冠者據守孤城，欲與之抗，其亡可翹足而待也。爲子計，宜早改圖。攻殺冠者，則不啻免死。所在采地，永爲子有矣。義弘大喜，引廣常兵，鼓譟出城。後城兵驚擾，不能支。秀義棄城走。廣常素多兵馬，恃功驕恣。三浦義澄享賴朝於三浦。廣常應召來會，望見賴朝，據鞍長揖。佐原義連勸之下馬。廣

常曰、我家三世未慣其禮、遂不肯下、宴酣與  
 岡崎義實乘醉忿爭、賴朝積不能平、漸疏薄  
 之、廣常亦稍覺之、以賴朝雅愛重京師人、薦  
 其女婿前伯耆守平時家、以自媚焉、賴朝終  
 不懌、東鑑後命梶原景時圖之、景時與廣常博  
 乘其不意、急斬之、愚管子良常稱小權介、亦  
 被殺、千葉系圖廣常嘗納甲一領於上總一宮、至  
 是祠官告之、賴朝意其有異、遣人取之、中有  
 一封書、折閱則皆為賴朝祈靈佑之語也、於

是始知其冤、大悔、赦其弟天羽直胤、相馬常  
 清、東鑑及賴朝朝京師、奏法皇曰、有上總介平  
 廣常者、素多兵衆、臣建義之初、召充義旅、數  
 立大功、然常謂臣曰、方今盤據關東、誰敢圖  
 之、何勤勞王事之為、臣竊懼蓄不良之徒、天  
 譴將及、故前已戮之、臣至誠奉君、以身殉國、  
 以是察之、蓋以廣常雄傑有聲望、特舉以藉  
 口焉、愚管常重京師人、  
 千葉常胤與平廣常同族、高祖常將居下總

千葉郡常將生常永、常永生、常兼、為從五位  
 下、下總權介、常兼生常重、常胤其長子也、世  
 稱千葉介、參取東鑑平氏系圖、千葉系圖、為人厚重、謹儉、世  
 為關東望族、源賴朝起兵也、遣安達盛長傳  
 檄下總、盛長見常胤、致賴朝意、常胤沈吟未  
 答、子胤正胤賴在側、進說曰、武衛仗義起兵、  
 為國除害、而首徵兵於我、扶順討逆、事在不  
 疑、請速應命、常胤乃報曰、將軍為祖先興廢  
 絕之業、常胤敢不奉命、乃命盃勞之、且告盛

長曰、今幕府所駐、非有要害之固、相模鎌倉、  
 源家祖先之故地、宜移軍據之、常胤亦當率  
 子弟奉迎、盛長還報、賴朝大悅、常胤聚兵將  
 發、胤賴曰、國之日伐、平氏所置、豈坐視我所  
 為乎、宜先逐日伐、而後進兵、常胤然之、使胤  
 賴等襲之、因風縱火、敵不能支、胤賴手斬日  
 伐、千田親政者、與平氏有姻、聞日伐敗死、勒  
 兵欲攻常胤、常胤孫成胤擊擒親政、於是常  
 胤帥騎三百餘、迎謁賴朝于下總國府、獻虜

賴朝大喜、延置座右、款接甚渥、且曰、自今以

往、我視卿當如父、東鑑○按源平盛衰記、石

于廣常胤胤曰、將以廣常為常胤、建議曰、將

軍宜多建旗幟、以壯軍容、江戶葛西之徒觀

望者、皆謂精兵大集、當躡踵來歸、賴朝從之、

源平盛衰記壽永三年、從源範賴討源義仲、又攻

平氏於西海、皆有功、常胤老將、威望素著、賴

朝命範賴特集禮之、文治元年、範賴至長門、

將赴豐後、船艦不具、糧食匱乏、還軍周防、將

士多東國人、日夜思歸、和田大多和等諸將

至、有謀棄軍東歸者、常胤獨不言勞苦、既而

範賴徵糧於近國、戰艦稍集、將發、常胤先諸

將而進、賴朝諭範賴曰、常胤以衰暮之齡、奮

不顧身、宜優待、超等倫、如常胤之功、終身報

之、亦不能盡焉、尋以功增食下總三崎、三年

在京武士擾所在、群盜充斥、朝廷命賴朝戢

之、於是賴朝遣常胤及下河邊行平彈壓、臨

行、賴朝遺書權中納言藤原經房曰、中原親

能大江廣元雖在輦下、是唯監閒院修造土木、且其人非有武幹、若有捨攘、非彼曹之所能制、故今遣千葉常胤下河邊行平、二人關東勇士、多領兵馬、按治橫暴、莫若二人、故選而任之、宜竭其用、至則盜賊斂迹、京師肅清、五年賴朝擊藤原泰衡、命常胤製旗上之、常胤摸賴義東征所用以獻、及出師、常胤與八田知家將東海道兵、經岩城岩崎、渡遇隈河、擊之、陸奧平、建久元年賴朝朝京師、命畠山

重忠爲先隊、而後隊未得其人、八田知家曰、千葉常胤宿將、衆所推服、卽其人也、賴朝從之、法皇敕賴朝舉功臣十人授官、常胤當賞、辭而讓孫常秀、初賴朝賜諸將文書、紙尾必親畫花押、及拜右近衛大將、置政所、不復親押署、視事之始、賜常胤下文、稱閱閱勲勞、令子孫永襲采地、常胤請曰、今之所賜、惟署有司姓名、此不足傳後嗣、願賜親畫以爲光榮、賴朝從之、又請美濃蜂屋莊、賴朝曰、卿勲勞



最大、我不敢忘、然後白河帝有約、蜂屋莊不  
 得補地頭職、他日當擇便宜之地以資子孫、  
 語意懇惻、常胤感泣曰、將軍至誠遇臣、臣雖  
 不得其地、無復所憾、東鑑進敘正五位下、建仁  
 元年卒、年八十四、東鑑千圖、初賴朝起兵、常胤  
 闔族歸嚮、累立戰功、展力竭忠、諸將莫能及、  
 賴朝深倚信之、軍機巨細莫不諮決、終始眷  
 遇不替、能保全其功名、賴朝常曰、行賞功臣、  
 當以常胤為首、其寵異如此、實朝命功臣家

上賴朝所賜手書、諸將所上皆不過兩三紙、  
 唯千葉氏小山氏各上數十通、時人榮之、東鑑  
 子胤正、師常胤、胤盛、胤信、胤通、胤賴、僧日胤、皆  
 顯于時、師常出為相馬師、國養子、稱小二郎、  
 胤盛稱武石三郎、千葉系圖胤信稱大須賀四郎、  
 建曆中實朝詣鶴岡社、以胤信善射、命懸調  
 度、胤信固辭、實朝怒曰、故將軍有制、自非發  
 二十矢斃二十人者、不得與此選、而汝不知  
 故事、視以為賤役、甚無謂也、罰停謁見、久之

得釋東鑑胤通稱國分五郎千葉系圖僧日胤稱律  
 靜房居園城寺治承中受賴朝密旨祈其興  
 復乃限一千日詣石清水社默誦大般若經  
 以求神助一日夢神授金甲覺而異之會以  
 仁王起兵入園城寺日胤聞之使弟子日慧  
 代已禱祠從王赴柰良至光明山王中流矢  
 日胤與追兵奮戰斬六人而死東鑑參取源平盛衰記斬  
六人據長門語賴朝悼之附伊賀山田鄉于園  
 城寺祈日胤冥福源平盛衰記

胤正襲為下總介世稱新介賴朝之起擊伊  
 北常仲於上總有功藤原泰衡故將大河兼  
 任舉兵陸奧胤正與葛西清重擊平之東鑑子  
 成胤常秀千葉系圖成胤稱小太郎襲為下總介  
 從父祖歸賴朝兼任之胤有戰功賴朝壯其  
 勇且恐輕敵深入賜書曰臨戰自重勿競先  
 登以履危殆賴朝獵那須野選近臣善射者  
 二十二人執弓矢列從左右成胤預焉其他  
 勲舊不許持弓矢時人艷羨和田義盛之亂

率家族赴難、幕府賴安子胤綱襲為下總介、常秀稱堺平次、賴朝朝京師、常秀以祖父功為左兵衛尉、賴朝再朝京師、時民間流言、源義經源行家餘黨狙賴朝於途、常秀與比企能員奉命詞察東海道、後為上總介、二子秀胤、時常秀胤為上總權介、娶三浦泰村妹、及泰村敗死、北條時賴遣兵襲秀胤上總一宮館、秀胤積薪炭環其家、縱火自殺、時常稱埴生二郎、初常秀割埴生莊與時常、常秀沒後、

秀胤奪之、由是兄弟有隙、聞秀胤有難、赴之

同死、時人義之、東鑑

胤賴食下總東莊、因稱東六郎大夫、東鑑、千葉系圖

操持堅正、少在京師、是時平氏用事、胤賴不阿附權勢、以遠藤持遠薦仕上西門院、敘從五位下、聞神護寺僧文覺名、往訪之、一見有契、遂為弟子、文覺謫伊豆、協謀勸賴朝起兵、及檄至、又說父應之、賴朝深德之、眷遇最優、子重胤稱平太、善和歌、為實朝所親昵、嘗就

休采邑月餘不歸實朝賜和歌趣之而不時  
 還大失實朝意蒙譴家居重胤深自悔恨以  
 情懇北條義時義時教之使詠和歌謝過重  
 胤立作和歌授義時義時懷而入府為請貸  
 罪實朝見其歌意乃釋恩眷如舊子胤行亦  
 善和歌有寵于實朝每有燕會莫不陪從焉  
 後為中務丞剔髮改名素暹寶治中賴嗣特  
 命掌問狀教書常胤子孫世以武顯惟胤行  
 兼曉吏事因有此命千葉氏補文職蓋是為

始東鑑

三浦義明姓平氏其先出自上總介高望高

望子良文稱村岡五郎生貞道稱小五郎平氏

系圖貞道據平家物語卷今昔物語○本

書作忠道平羣系圖云忠道仕賴光時藤原

忠道關白以故改曰貞道貞道事源賴光與

源綱等齊名平家物語貞道生為道稱平大夫

居相模三浦因氏焉為道生為繼稱平太郎

平氏勇力絕倫名振關東從源義家擊清原  
 武衡有功與州後三年記為繼生義繼為相模介義

明即義繼長子也三浦稱大介為人剛勇重

信義東鑑源平源賴朝起兵遣安達盛長檄

招關東將士義明聞使者至扶病出迎盥漱

讀檄揮淚曰吾謂左馬頭殿之胤流亡殆盡

無復存者常深嘆恨而今聞此舉何幸加焉

顧謂子孫曰我老且病朝不慮夕今辱受命

實一家之榮也且天運循環興廢有時平氏

久竊政柄窮奢縱欲自招覆墜右兵衛佐殿

我累世主君既奉院宣為國起義爾等宜竭

力輔翼討滅亂賊垂功名於不朽矣若事不

成捨生取義勿懷貳心辭氣愿款眾皆感動

乃宴饗使者遺以刀馬賴朝軍于石橋山義

明遣子義澄孫義盛等將三百餘騎赴之未

至繆聞賴朝敗死引兵而還與畠山重忠戰

于小坪坂破之歸三浦義明日明日重忠必

來攻爾等宜據衣笠而待義盛曰衣笠坦夷

便于馳突然非要害奴田城三面負險一方

臨海我有精兵一二百彼雖百萬無所用其

衆義明不聽曰、奴田僻邑、人少知名、衣笠名城、世所稱道、我曹沒後、人將言三浦黨守衣笠而死、亦足以成名、義盛曰、二城共在管內、何論彼此、凡守者曠日持久、使敵疲勞、是爲上計、今據衣笠、不日而敗、反爲世笑、願熟圖焉、義明大怒曰、今舉天下爲讎敵、無由求生、而一旦棄名城、據僻地、雖引時日、反得怯懦之名、是勇士之所深恥也、源家興復之日、以父祖戰死之地、子孫得賜衣笠、豈非榮哉、況

軍之勝敗、在策之長短、不在地之險夷、顧身畏死、不如不戰、如不用命、我當獨守衣笠而死、衆不得已、遂入衣笠城、兵僅四百餘騎、義明女壻金田賴次帥七十餘騎來會、東鑑七十爲七千、今從本書及長門本平家物語衣笠一面有沼、一面穿塹、三重、設二梁而開戰路、僅容二騎、令曰、善射者多貯弓矢、不便射者持挺伏篁叢、待敵薄城、弓手連射之、人馬傷痍、陷于塹、則伏兵急出、以挺撻之、源平盛衰記乃命義澄、義連守城東、

義盛賴次守城西、義景義久陣於其中、東既而畠山重忠、河越重賴、江戶重長等將金子村山山口兒玉橫山綴丹黨三千餘騎來攻、初小坪之戰、義盛弟義茂斬獲綴黨三帥、綴黨欲報其讎、別率二百餘騎進逼城門、城中雨射、兵士被創多陷塹中、挺卒亂毆之、死傷甚多、綴黨不能支而退、金子家忠帥兵三百繼攻、奮勇血戰、奪其二門、義明命義盛射、一發中之、家忠墜馬、弟近範肩之而去、三浦餘

一追之、反爲近範所殺、義澄下令曰、餘一單騎追敵、竟致此敗、汝等唯射其來攻者、不得離群獨進、義明激士卒曰、汝等何愛生之甚、今視其鬪猶兒戲耳、坂東之俗、父死于前而子不撓、子斃于後而父不顧、踰屍蹠血、立決勝負、今當連騎出衝、誘敵入險、偪而擊之、豈不快乎、義澄以兵寡不敢出、義明勵聲曰、我年十三操兵以降、屢歷戰陣、今垂九旬、衰病交侵、碌碌死牖下、常以爲憾、幸遭今日、吾願

畢矣、汝等視我戰死、乃整甲將出、作勢不能起、六卒扶掖、纔得上馬、義澄○長門本平家物語義澄為佐野平扣馬止之、義明叱曰、臨陣致死、兵家之常、當短兵接戰、衝堅挫銳、汝曹乘城放箭、猶射場角藝、何日決雌雄乎、揚鞭擊義澄、義澄等執轡擁而入城、會日暮、義明集子孫諭曰、今日力戰、亦不失勇名、且城兵盡疲、不可復戰、意佐殿智勇邁人、不必一敗就死、誑敵全身、走房總、以圖再舉、亦未可知也、汝曹宜乘

夜出城、一會麾下、竭爪牙之力、殄滅強寇、坂東之士、皆源家臣僕、一旦屬平氏、誰不戀舊主、義旗所指望、風自歸、老人之言必驗、後當思我言、我筋力衰耗、步騎不便、與汝等同去、恐不得免、若為敵所逼、欲脫我則勢不可、棄我則負遺親之名、我亦得愛生之譏、不如留守此城、多張旗幟、以疑敵、一戰快死、義明九十之齡、不足惜也、惟以不見佐殿、成立為憾而已、淚下歔歔、親屬飲泣、固請扶行、不聽、義



澄等不得已攬淚而去。參取東鑑源明日城

陷、義明遭害、時年八十九。○按源平盛衰記

語曰、義明從兵不忍棄去、強輿而逃、行里許、敵兵追及、勢甚急、棄而奔散、追兵偪、褫義明

衣甲而去、遂為江戶重長所賴、朝滅平氏、後害、本書所不載、故今不取。

追感義明忠誠、悼念不輟、建久中相地于三

浦、矢部鄉、營建佛堂、薦其冥福。東鑑子義宗、義

澄、義久、義春、義季、重行、義連、義宗、稱杉本太

郎、義久稱大多和三郎、義春稱多多良四郎、

義季稱長井五郎、重行稱森六郎。三浦系圖

義澄稱荒二郎。源平盛衰記居矢部鄉。東鑑世稱三

浦別當。源平盛衰記及賴朝軍于石橋山、義澄與

姪義盛等帥兵三百、浮海赴之。東鑑兵三百

記遭風不能進、將由陸路、聞丸子川暴漲、駐


軍一日、義盛趣之曰、會戰有日、緩而失期、則

悔莫及、乃倍道而行、進抵丸子、水勢猛不可

濟、欲俟水衰而濟、會大沼三郎從石橋逃來、

言佐殿戰歿、衆愕然失色曰、我徒喪主將、無

所倚賴、前有伊藤梶原等、後有畠山陣金江



川、腹背受敵、進退甚艱、與其死于卒伍手、不若自殺、衆咸然之、義澄詰大沼曰、子面視佐殿之死邪、曰否、義澄曰、傳聞之言不足信也、得非敵兵詐為此言、使我徒解體乎、石橋連山接海、澗壑之間、潛匿可免、安房上總相近、可輕舸而走、吾一見北條土肥諸將、審佐殿存亡、事若實、則擊大庭畠山以報其讎而死、未晚也、衆從之、避畠山重忠軍、遵海而還、弟義連不肯、

○長門本平家物語  
義連為和田義茂

曰、重忠乳臭

兒、未習軍旅、彼衆五百、我衆三百、固易與耳、直衝其軍、奪良馬而往、義澄曰、我兵奔馳數日、馬足疲勞、重忠結營休士、以逸待勞、欲取彼馬、反失我馬、宜潛兵自海濱過、使兵馬聲與波濤相混、敵兵不覺、擊之非計也、義盛曰、今避其鋒、後必受侮、乃與義連策馬而馳、當重忠營、大呼而過、重忠追及小坪坂、義盛等返戰破之、遂據衣笠、重忠與江戶重長河越重賴來攻、義澄等戰敗、乘舟遁于安房、遇賴

朝於海上、相見大喜、源平盛衰記從赴上總、夜投民舍、土人長狹常伴素屬平氏、欲襲賴朝、義澄偵知、掩擊敗之、及重忠重長重賴等來降、賴朝懼義澄等復其讎、諭之曰、彼雖有罪、不藉其兵力、則大事不成、卿等專存公忠、勿宿私憾、義澄之先世居三浦、自父義明掌國事、至是又命義澄襲其職、因稱三浦介、從源範賴攻平氏於西海、進軍周防、初賴朝命範賴曰、周防之地、西則宰府、東則京師、宜扼咽喉

以接軍機、範賴將赴豐後、聚諸將議曰、欲使勇謀多兵者居守周防、誰可者、千葉常胤曰、三浦義澄其人也、範賴乃命之、義澄辭曰、臣願先登立功、不欲留此、範賴曉諭再三、義澄不得已從之、及源義經攻壇浦、義澄率兵往會之、義經命之先鋒、進至奧津、距敵陣可二百步、平氏不戰而走、賴朝擊藤原泰衡、義澄從至熱借山、力戰卻敵、進至岩井郡、獲其魁帥若二郎、初賴朝之起也、義明首應之、拒敵



辨  
三浦系圖  
東鑑訂之  
綱

戰死、義澄、義盛等攻戰數年、蕩平強寇、其功居多、以故賴朝待三浦族最渥、凡軍旅機密、義澄等多所參預、賴朝朝于京師、義澄從焉、以功當任官、請而授子義村、賴朝任征夷大將軍、敕使至鎌倉、特命義澄受制書於鶴岡社、人咸榮之、正治二年卒、年七十四、東鑑按諸書不載、義澄敘爵、然本書云三浦介平朝臣義澄卒、則有如敘五位者、雖無明文、可徵、姑從書卒、文子有綱、義村、重澄、胤義、友澄、義村、胤義自有傳、有綱稱山口二郎、重澄稱大河戶、

為大隅守、三浦系圖○本書有綱作有繼、今據東鑑訂之

義連稱佐原十郎、身長七尺五寸、三浦系圖有膽

略、小坪衣笠之戰、皆著勇名、東鑑源平盛衰記壽永

三年從源義經討源義仲、源平盛衰記又從攻一

谷、義經自將精銳、潛赴鴨越、欲下山襲之、路

極險惡、至半途、斷崖壁立、眾不能進、義連進

曰、我徒射獵于甲斐信濃山中、備慣險阻、此

山雖險、以吾觀之、好射場爾、乃策馬而進、義

經曰、義連壯士、勿使獨死、麾眾繼之、遂大敗

大日本史 卷一百九十一 列傳 十九

源平盛衰記參  
初賴朝過義澄家燕飲  
敵軍

源平盛衰記參  
取平家物語  
初賴朝過義澄家燕飲

岡崎義實與平廣常乘醉忿爭相罵義連大叱義實曰叔父老狂今日將軍臨席實一門光榮奔走營辦唯恐不及叔父何傲慢廣常亦何無禮如有所言豈無他日開譬再三二人愧服而止賴朝心躉之親遇日厚北條時連加元服於幕府賴朝不豫點加冠人及期豪族畢集賴朝特命義連加冠義連辭不敢當賴朝不許曰我嘗遊三浦卿一言解紛我

知卿於是時此兒夫人所鍾愛將來賴卿調護善視之義連乃從命人皆榮之賴朝擊藤原泰衡義連從軍有功建久元年賴朝朝于京師又從焉以舊勲奏任左衛門尉東鑑子景連盛連家連政連盛連為遠江守家連肥前守景連政連衛府尉參取東鑑盛連子經連廣盛盛義盛義據三浦系圖光盛盛時時連初三浦義村女適北條泰時生時氏後離婚再醮盛連以姻好奉北條氏甚謹泰村之亂諸子俱

大日本史  
卷一百九十一  
列傳  
二十一

入援幕府、及泰村敗、支族多死、唯盛連諸子得免、東鑑義明弟義實、三浦義實初稱三浦、源平盛衰記四郎、後家岡崎、因稱岡崎四郎、三浦系圖賴朝在伊豆、義實傾意推奉、賴朝亦深倚信、及擊平兼隆、特豫密策、石橋之戰、義實力戰、子義忠為長尾、定景所殺、及定景降、賴朝與之義實甘心焉、義實素慈仁、不忍遽殺、囚之于家、定景自知不免、日夜讀誦法華經、義實悚聽、心深愍惻、詣幕府請

曰、臣怨定景、淪浹骨髓、而彼持法華、專修勤苦、臣聽其唄聲、怨念漸消、今殺之無益于死者、而徒增罪業耳、願赦其死、以助冥福、賴朝許之、初義忠娶波多野義景女、生子實忠、小名先法師、義景采邑在相模波多野、義景在京師、義實時之、私請賜其地、義景還而聞之、大怒、訴于幕府、賴朝命置對、辨析義實曰、義景嘗有傳其莊園于先法師之約、義景曰、先法師者我外孫也、外祖尚存、何為請之、是義

實之姦曲也、義實屈伏、因罰之宿直鶴岡及  
 勝長壽院一百日、會義實從士捕山賊渠帥  
 于箱根、以功得贖罪、後告老剔髮、正治中見  
 北條政子、泣訴家門衰薄、政子甚憫之、告賴  
 家曰、先君創業、義實等為爪牙、今聞年老家  
 貧、以子孫為憂、不可不優恤、宜增食邑一所  
 以報舊勲、命未下而沒、年八十九、東鑑子義忠、  
 義清、義清出嗣土屋宗遠、源平盛衰記  
 義忠稱佐那田餘一、東鑑剛勇多力、善馭驛馬、

石橋之戰、賴朝謂眾曰、敵皆東國精銳、大庭  
 股野為其先鋒、我麾下誰能當此者、義實曰、  
 賤兒義忠少有膽略、請命之、賴朝乃命義忠  
 先鋒、既而敵來攻、義忠等奮戰、與股野景久  
 交搏墜馬、將刺景久、長尾為宗馳來援景久、  
 會昏黑雨甚、彼此聲色不辨、義忠給為宗曰、  
 在下者義忠也、景久曰、莫錯、下者景久、上者  
 義忠、摸索盔甲認之、義忠乃足蹴為宗、急拔  
 刀刺景久、刀不脫鞘、頻刺而不入、遂為為宗

大日本史卷之一百九十一  
列傳第一百十九

弟定景所害時年二十五源平盛三子實忠

成實實久三浦皆幼弱及賴朝赴下總遣使

慰撫義忠母慮其幼兒為敵所搜捕取置軍

中後賴朝至義實家置酒召見三子厚撫恤

之實忠亦稱餘一為左衛門尉和田義盛舉

兵實忠率其子二人屬之事敗而死東鑑

大日本史卷之一百九十一終

大日本史卷之一百九十二

列傳第一百十九

權中納言從三位源光圀修

男權中納言從三位綱條校

玄孫權中納言從三位治保重校

將軍家臣二

北條時政

小山朝政

北條時政姓平氏稱四郎伊豆北條人其先

大日本史卷之一百九十二 列傳



出  
維  
介  
北  
尊  
為  
政  
政  
誤  
收  
祐  
為  
維  
時  
生  
直  
方  
直  
方  
生  
維  
方  
自  
維  
將  
四  
世  
歷  
守

出自鎮守府將軍貞盛貞盛子維將生維時

維時生直方直方生維方自維將四世歷守

介北條系圖印本尊卑分脈維方生僧聖範聖範生時方

北條系圖印本尊卑分脈為伊豆介尊卑分脈曾祖直方養

為己子北條系圖時方生時家敘從五位下即時

政父也北條系圖印本尊卑分脈從五位下

誤父時政為人外厚重而內深阻能以權略

收衆心東鑑增鏡源賴朝流于伊豆時政與伊東

祐親監視焉異本平治物語賴朝居祐親家後

遁歸時政源平盛衰記時政女政子與通時

政佯為不知者稍益親厚東鑑源平盛衰治

承四年源賴政勸以仁王下令旨於賴朝及

諸國源氏討平氏賴朝招時政咨詢方略東鑑

源平盛衰記時政曰坂東八國將士莫不蒙源氏

之恩而其役屬平氏者不過欲免死耳今平

廣常為藤原忠清所讒平氏將召而罪之君

若因啗以甘言彼必至千葉常胤三浦義明

族強兵衆素重信義必不肯舊恩而為違敕

大日本史 卷一百九十二 列傳 三

之賊能致此三人則八國將士縱欲背叛勢不能以寡弱而孤立於其間東國既順服則北國西國亦將風靡大庭景親服從平氏聲勢漸張畠山重能小山田有重屬平氏在京師重能子重忠有重子重成必不來而兵力皆不減景親今舉事宜先擊破之也賴朝深納其言源平盛衰記未幾賴政敗死清盛欲殲源氏族屬以絕後患賴朝懼遇害謀及其未發而起兵先擊目代平兼隆兼隆館於山木依

據險阻賴朝使人陰圖山川要害召時政開示軍士所由道徑發佐佐木定綱等八十五騎以時政為將夜襲兼隆東鑑源平盛衰記自北條至山木有二道是日值三島神祭時政度牛鍬大路往來駱驛為眾所怪欲取道蛭島賴朝不聽曰舉事之初何用閒道且蛭島狹隘不便騎乘可徑赴大路也東鑑已發召還時政曰我欲決成敗於一舉今日之事何以相報曰捷則放火揚煙敗則馳使告之請速自裁

乃分定綱等別擊兼隆驍將堤信遠時政自  
率子宗時義時等襲兼隆兼隆力拒時政少  
卻賴朝令人升木望煙久之不見遣佐佐木  
盛綱及加藤景廉堀親家助時政遂克之斬  
兼隆時政遂從賴朝與大庭景親戰于石橋  
山兵敗賴朝走土肥杉山景親追躡幾及時  
政父子還戰力疲不能從及昏相得參取東鑑源平  
肥使時政間道赴甲斐趣武田族時政至中

盛衰

記賴朝匿箱根山避僧良暹之難將往土

途以爲撓敗之餘行無定止不告主將所駐  
彼將疑而不應焉遂還土肥自巖浦舟行赴  
安房與三浦義澄等相遇海上賴朝尋至時  
政又赴甲斐得武田信義等精兵二萬會于  
駿河黃瀨河東鑑及賴朝入鎌倉迎政子于伊  
豆時政以婦翁益被親重賴朝有愛姬蓄伏  
見冠者廣綱姓關家間密往來時政妻牧氏告  
政子政子素妒即使牧氏父宗親逐廣綱毀  
撤廬舍侵辱之廣綱攜姬逃匿大多和義久

家以狀白賴朝、賴朝託出遊、至義久家、召宗親面責之、親起斷其髻、時政以為恥、不告而歸北條、賴朝怒其專肆、久而獲解、文治元年、賴朝將擊義經于京師、親將兵至黃瀨川、義經出奔、乃使時政率兵一千兵數據扞衛京師、搜捕義經、不能得、東鑑賴朝因託言糾察姦慝、使時政奏請國衙置守護莊園、置地頭、就其所在擒之、朝議難之、東鑑保曆間、時政往復論辯、遂得如所請、源平盛衰記領七國地頭職、無

何辭之、先是國司領家、私以平氏親黨家人多署地頭、時政檢籍入官、於是賴朝分遣家人有軍功者為守護地頭、東鑑王綱之不振、實由于此矣、神皇正統記是時平氏孤兒寓于民間、餘黨藏竄山澤、搢紳士庶與義經親善者、東鑑源平而喪亂之餘、盜賊充斥、時政居京師歲餘、吏務繁劇、而彊敏無滯、措置懸合、賴朝所筭、京畿無虞、以幹事聞、及歸鎌倉、帝亦惜之、敕自舉代、以賴朝意薦從弟時定、警

大日本史 卷一百九十二 川專 五

州西本城  
卷一百九十二

衛京師時定亦頗著名稱東鑑賴朝薨賴家襲

職時政敘從五位下任遠江守東鑑將軍為

政所別當總軍事賴家淫縱嬉戲無度人皆

知其不能繼業時政無意規諫循默自保而

已賴家病劇政子分關東關西守護職授賴

家子一幡弟十幡一幡外祖比企能員圖滅

北條氏事泄時政適將修佛事歸名越宅政

子使人急報之時政按轡思念徑造大江廣

元謀曰能員頃年負威陵人世所知也今乘

將軍羸困矯命作亂吾欲先其未發誅之柰

何廣元答以誅否任意時政意始決至荏柄

社前謂天野遠景仁田忠常曰能員懷異志

今日誅之煩公等行遠景曰彼老翁無能為

也召而誅之一夫力耳於是復延廣元議密

定計畫時政擐甲自備使善射者二人立小

門內遠景忠常伏西南戶內部署既定託佛

事招能員能員至遠景忠常擒殺之其子宗

員挾一幡據小御所時政遣子義時率諸將

大和木史  
卷一百九十二  
列傳

攻之、悉夷其族、并殺一幡、諸與能員、媼昵交、通者抵罪、賴家病少閒、聞之、命和田義盛及忠常誅時政、義盛密告其謀、時政與政子謀、幽賴家于伊豆、修禪寺、奉十幡居已家、立為嗣、是為實朝。東鑑明年、弒賴家於伊豆。保曆以變故之際、人懷危懼、時政諭告將士、安堵如故、於是威權傾天下、諸將不敢以等夷視之。東鑑時政諸子母氏各異、牧氏最後所娶、傾險驕恣、時政寵憚之、所言皆聽、平賀朝雅畠山

重忠皆時政女婿、而重忠妻非牧氏所生。保曆重忠子重保與朝雅忿爭、朝雅讒之、牧氏乘閒誣以謀叛、請殺重忠父子、時政遣兵殺重保、遂遣諸將殺重忠於二股川、人為冤。東鑑牧氏以朝雅亦源氏疎屬、欲彊時政殺實朝、立朝雅、密聚兵士、政子使三浦義村結城朝光等取實朝、移居義時家、用義村計、勒兵矯實朝命、如將誅時政狀、迫使剔髮、并牧氏徙于北條。東鑑參取愚管鈔。○按保曆間、記牧氏與時政謀請實朝

至私室將行弒逆於浴室事泄政子召義時告急義時自馳至時政家抱實朝而還實朝心尚疑不安義時具告以實即命誅時政義時陽為殺之并牧氏幽之以伊豆與此小異

建保三年患瘍卒年七十八東鑑北條系圖法名明

盛北條系圖號淨福寺將軍執權次第錄記將系

成就院按東鑑賴朝伐藤原泰衡時政為建佛祠於伊豆北條號願成就院以祈其捷陸

奧平後構賴朝別館於祠傍掘地得古榜書曰願成就院時政修繕以扁祠宇據此則願

成就院者為賴朝設而非所居院故不取又按太平記曰初時政詣江島辨才天祠祈子

孫蕃昌期滿七日夜有一婦容貌天麗告時政曰汝前身箱根山之僧也寫六十六部法

華經藏六十六州之靈地因此得再生此土而子孫相繼東國柄矣若行不循度不可過

七世言訖變龍入海留三大鱗時政取貼旌旗從此相傳以三鱗形為徽號其說怪誕今

附于子宗時義時時房政範宗時從賴朝戰

死于石橋山東鑑北條系圖義時時房自有傳政範

以牧氏所生甚見鍾愛東鑑敘從五位下為左

馬權助早卒東鑑北條系圖十一女長政子及賴朝

薨擅制中外廢置將軍北條氏之專權實由

此事詳列女傳擅制以下參取諸書大意餘皆適搢紳將

帥門族之盛無與為比焉北條系圖

小山朝政稱小四郎下野人藤原秀鄉之裔

也秀鄉以討平將門功任下野守

參取東鑑尊卑分脈

曾祖行尊下野介生行政行政生政光稱小

山四郎為下野大椽政光生朝政

尊卑分脈

朝政

與足利忠綱同宗俱以州豪相軋以仁王下

令討平氏朝政將應告忠綱不聽及信太義

廣圖襲賴朝率兵入下野誘朝政及忠綱忠

綱應之而朝政將逆擊之會政光宿衛京師

居守單弱乃詐聽及義廣來議軍事密率兵

出屯野木社設伏林薄以待義廣過社前伏

起升樹亂呼聲震溪谷義廣不測其眾寡軍

大驚擾朝政乘之奮擊殺傷頗多義廣射中

朝政墜馬殆死會弟宗政自鎌倉來援力戰

救之義廣退屯社西南朝政與宗政合擊之

適颶風大起沙石眯目義廣兵不能復戰遂

逃散下河邊行平據古我高野之津要走路

又敗之足利有綱等又擊之小手指原小堤

義廣走信濃朝政乃遣宗政獻捷鎌倉賴朝

沒義廣黨食邑授朝政常陸村田下莊地頭



職殊賜書賞其功壽永三年從源範賴討平  
氏於一谷尋從至西海軍中乏食將士多思  
東歸獨朝政宗政與千葉常胤等能忍艱苦  
銳意攻戰賴朝下手書褒焉源義經薦爲兵  
衛尉文治中從征藤原泰衡泰衡敗走朝政  
往搜物見岡泰衡已逃朝政等與其所留兵  
戰而殲之初賴朝出師次下野古多橋朝光  
獻馱餉有介士侍側政光指問其名賴朝曰  
此本朝無雙勇士熊谷直家也因盛稱其戰

功政光哂曰以身徇主士之常也彼何足多  
顧彼無屬兵故單身奮戰爲世稱譽如政光  
等每遣從兵効力此其所以不同也乃顧朝  
政等曰汝輩是行宜獨戰樹功以蒙無雙之  
名矣朝政等遂奮勵力鬪士卒亦能致用凱  
旋之日賜旗幟弓橐於政光家士有功者旌  
異之明年從賴朝朝京師舉將士有殊功者  
任官以朝政爲右衛門尉東鑑尋任左衛門尉  
東鑑小山家譜敘從五位下爲  
山家譜檢非違使小山家譜叙從五位下爲

下野守

東鑑小山家譜尊卑分脈

正治元年為播磨守護

建仁初宿衛京師車駕觀法皇朝政從之會

越後人城長茂謀叛以兵圍寓舍朝政家士

拒卻之既而還居鎌倉及比企能員圖滅北

條氏朝政與二弟及畠山重忠等擊而平之

有人譖宇都宮賴綱謀叛實朝特命朝政將

兵往誅之朝政曰賴綱與臣有外戚之親然

捨私從公如其防戰豈不盡力但專當使命

實所不忍敢辭乃密以狀諭賴綱賴綱因陳

謝得免承久之役朝政以耆舊留鎌倉參決

軍謀調遣兵士東鑑曆仁元年卒年八十四先

是薙髮法名生西東鑑小山家譜薙髮據東

元年卒年四子朝長任左衛門尉承久之役

與武田信光同經山道與官軍戰尾張大井

戶有功進犯京師東鑑弟宗政朝光

長沼宗政食下野長沼邑因氏焉尊卑分脈

敘從五位下任淡路守結城家譜從源範賴

擊平氏有功建保初人告畠山重忠子僧重

大日本史 卷一百九十二 列傳 十一

慶據日光山謀不軌源實朝遣宗政往捕之宗政斬其首來獻實朝使人讓之曰向重忠無罪抵死良可哀也今其子雖有叛謀而一浮屠爾何能爲也我遣汝收之本欲按問之後徐有處置而汝擅斬之何其輕易也宗政瞋目曰彼反形旣露無可容疑臣若生擒致之則或有侍女乞其命者將軍從而全之亦不可知是臣所以先斬而後獻也且故將軍嘗嘉臣有戰勞將有顯賞臣固辭其命因請

賜募弓箭紮東海十五國不法之徒將軍素重武備竟得聽許如今日之事非無辭也臣竊視將軍近時所爲不講武事唯和歌蹴鞠之耽寵婦女而疏將士諸所沒收之地率皆賜之寵嬖榛谷重朝之邑與五條局中山重政之邑賜下總局此豈治政之所宜乎辭色抗厲實朝怒宗政屏居踰月兄朝政陳謝乃得出東鑑延應二年卒年七十九東鑑補遺初宗政自負勇武以爲門族之中莫能及已者弟朝

光之被讒也同列連署劾梶原景時白朝光無罪宗政亦與之慮其有後禍不肯押印時

人甚醜焉東鑑

結城朝光稱小山七郎東鑑食下總結城邑故

亦稱結城結城家譜其母八田氏源賴朝乳母也

東鑑及賴朝起兵母攜之往候隅田驛請

以兒給仕左右賴朝親加之首服賜名宗朝

置諸近臣中東鑑後更今名東鑑信太義廣

之亂賴朝禱鶴岡社拜訖曰事卒何如朝光

奉劔在傍率爾對曰彼已為臣兄所滅矣賴

朝顧喜曰此非汝言必神之所憑也果然則

厚賞汝是日果得朝政捷報乃分義廣之黨

食邑賜焉時年十五由是眷寵益渥及長善

弓馬賴朝擇親信有武幹者衛寢室朝光與

焉出入莫不隨從文治中從賴朝征藤原泰


衡泰衡遣兵守熱借山朝光意欲先登密至

山下與畠山重忠等先嘗敵大軍乘之敵兵

敗走進攻其城朝光等殊死戰未決朝光及

宇都宮朝綱、豫遣驍勇七人、乘夜潛出敵後、  
登高丘、謹呼連射、敵兵以為大軍夾擊、驚愕、  
大潰、朝光追斬其副將金剛秀綱、賴朝嘗召  
諸源及千葉三浦諸將朝政、朝光等親抱子  
實朝、囑之曰、此兒吾所鍾愛、卿等戮力輔翼  
之、及賴朝薨、朝光深感殊遇、不忍復立府朝、  
欲為僧資其福、以其有委託之命未果、一日  
眾中微啓其端、有忠臣不事二君之語、梶原  
景時譖之、賴家惑焉、遂欲誅朝光、阿波局密

告朝光、朝光大懼、詣三浦義村計議、義村乃  
率其同列、與朝光連署、劾景時、以訴其冤、景  
時遂獲罪、而朝光得免于難、和田義盛之亂、  
朝光與佐佐木義清等屯大倉、拒之、義盛不  
得過而退、東鑑寬喜元年、敘從五位下、為上野  
介、關東評定傳、嘉禎初、為評定眾、無幾辭之、  
并辭上野介、薙髮法名曰阿、東鑑、關東評定  
還居下總、三浦泰村之亂、出兵援幕府、既而  
至鎌倉、見北條時賴、語及其事、因敘與義村



北... 卷一百九十二... 列傳... 十五

有平生之舊、哀惜淚下、且曰、我若在鎌倉、不使泰村至此極、時賴稱其忠厚、及論將士功、僉謂朝光不宜賞也、時賴以為朝光失言、適足見其忠朴、今以微嫌不賞勲舊、恐虧政體、乃賜小烏莊、東鑑建長六年卒、年八十七、東鑑、關東評定傳、結城家譜、稱稱名寺、結城家譜嘗從賴朝落東大寺、會僧徒以事與護卒忿爭、梶原景時諭之、接待倨傲、僧徒益怒喧鬧、賴朝乃遣朝光朝光敬跪加禮、辭理切當、僧徒竦聽乃定、東鑑子

朝廣、朝俊、時光、重光、朝村、結城家譜朝廣稱七郎、敘從五位下、歷檢非違使、左衛門尉、上野介、結城家譜、東鑑為大藏權少輔、敘正五位下、尊卑分脈承久之役、與北條朝時、自北陸道進戰、越中般若野有功、明年將軍藤原賴經、簡兵直府、朝廣預焉、東鑑嘉祿中有詐稱僧公曉者、作亂於陸奥、白河朝廣與淺利知義擊平之、東鑑朝俊稱平方四郎、時光稱寒河四郎、皆為左衛門尉、重光稱山河五郎、結城家譜、尊卑分脈亦為左衛

大田本史 卷一百九十二 列傳 十五

門尉補檢非違使

尊卑分脈

朝村稱綱戶十郎

結城

家譜尊卑分脈

任阿波守

結城家譜

朝村善射嘗從賴經

朝京師遊關白道家第有籠鳥適逸集庭樹

上賴經今朝村射之朝村乃削虛髀箭射中

之鳥入髀中而不傷衆皆嘆賞

東鑑

大日本史卷之一百九十二終

大日本史卷之一百九十三

列傳第一百二十

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣三

佐佐木秀義

子定綱

弟盛綱

定綱

子信綱

弟高綱

綱

佐佐木秀義稱源三

東鑑

其先出自敦實親王

親王生雅信、賜源姓、雅信生參議扶義、扶義

嘗為近江守、生兵庫助成賴、尊卑分脈、參取

成賴居近江佐佐木莊、生章經、章經生經方、

經方生季定、季定生秀義、稱佐佐木三郎、初

秀義年十三、左衛門大尉源為義約為父子、

印本尊卑分脈保元之難、從義朝攻白河殿、保元平

治之亂、屬源義平、與鎌田政家等十六騎拒

平重盛軍、既而義朝兵敗東奔、追兵甚迫、秀

義力戰卻之、平治物語義朝既死、秀義還鄉、不肯

屬平氏、遂奪所管地、率諸子赴陸奥、將依姨

夫藤原秀衡、路過相模、澀谷莊司平重國愛

其驍勇、留不遣、以女妻之、寓澀谷二十年、生

子義清、先是源賴朝配在伊豆、秀義遣子定

綱盛、綱盛候問不絕、治承四年、以仁王傳檄諸

國、討平氏、軍破、時大庭景親還自京師、密招

秀義曰、余在京師、面相國幹臣藤原忠清、忠

清披一封書語余、是長田入道所告、此條四

郎比企掃部允等、奉伊豆流人源賴朝謀反、



事非細故、自高倉宮首事、我相國欲按治諸國源氏、而此書適至、不可不速白相國也、景親與君有舊、故泄所聞、聞賢郎與賴朝相周旋、宜及時改圖、勿偕禍敗、秀義謝而歸、即遣定綱告之、賴朝、賴朝因速舉事、定綱及弟經、高盛、綱、高綱等首建戰功、東鑑壽永三年、平田家繼等起兵于伊賀、伊勢、為平氏聲援、襲大內、惟義轉入近江、秀義發甲賀郡兵邀于大原莊、隔水互射、家繼等盡銳進攻、秀義冒陣

督戰、中矢而斃、時年七十三、從兵憤惋、濟水

奮戰、惟義來合、擊敵走之、東鑑、源平盛衰記子定綱、

經、高盛、綱、高綱、義清、經、高、自有傳、

定綱、稱太郎、印本尊卑分脈客居宇都宮、往來澀谷


省父、秀義命定綱往伊豆、告大庭景親語於

賴朝、賴朝喜曰、我將建義事、已聞于京師、料

平氏必使目代平兼隆及大庭景親擊我、我

將先彼襲擊、本欲召汝兄弟、幸而適至、宜留

在此、而召諸弟、東鑑、參取源平盛衰記定綱請還取甲



胄與諸弟俱來，賴朝乃戒日遣之，且附書并召澀谷重國。重國不至，定綱率諸弟來赴會。秋潦道不通，後期一日，賴朝以為重國方事平氏，恐事漏洩，意頗悔之。翌日，定綱與諸弟偕至，定綱經高乘羸馬，盛綱高綱步從。賴朝見其艱苦，深賞忠款，曰：「遲汝等來，故今曉不襲敵。」即夜與經高高綱從北條時政襲兼隆。賴朝留盛綱及加藤景廉自備，兼隆黨堤信遠、驍勇別居山木宅北。時政遣定綱經高高

綱襲之。信遠家兵發矢禦之，定綱兄弟力戰

斬信遠，還入時政陣，俱擊兼隆敗之。

東鑑○長門本

平家物語信遠作兼行

石橋軍敗，賴朝奔竄箱根山，謝

遣將士，定綱盛綱高綱匿重國家。

東鑑源平盛衰記

賴朝擊佐竹秀義，定綱從攻金砂城，累功為

左衛門少尉，補佐佐木莊地頭。

東鑑

建久初為

近江守護，先是佐佐木莊租入，充延曆寺千

僧供料，遭水滂多，逋負，僧徒遣日吉社宮仕

奉神鏡入定綱宅，誅責暴急，擊破門牆，侵辱

奴婢放火傍近民屋時定綱在京師子定重  
忿怒麾兵禦之傷宮仕二人僧徒誣奏定重  
放火斷橋縱騎扼歸路殺傷甚多乞得定重  
父子兄弟甘心參取玉海東鑑又詐賴朝朝議處父  
子遠流繫下手者于獄僧徒固請不已奉日  
吉神輿詣闕凡延曆寺所請累朝曲垂優容  
賴朝以建義勲舊多方營護然力不能得流  
定綱于薩摩子廣綱于隱岐定重于對馬定  
高于土佐僧徒猶不慊意固請殺定重不得

已斬定重梟首辛崎四年定綱等遇赦皆歸  
鎌倉賴朝又以定綱為近江守護悉復食邑  
東鑑子廣綱定重定高信綱廣綱及定重子久  
綱自有傳

信綱任左近衛將監東鑑關東評定傳遷右衛門尉

關東評定傳承久三年從北條泰時至宇治  
遇大雨河水暴漲官軍撤橋引大槓水底以  
遏東軍泰時欲諸軍齊進乘銳決戰乃斂眾  
而退使柴田兼義往偵兼義得水淺處歸報

新編 卷一百九十三 列傳

泰時便命兼義及春日貞幸先渡信綱在傍

聞之乃隨兼義問其所兼義不答而進信綱

馳馬繼之兼義馬畏水不進信綱拔刀斷絙

而進遂得先登參取東鑑承久記轉左衛門少尉為

檢非違使近江守以功補近江守護東鑑關

傳佐佐木系圖兼數所地頭東鑑敘從五位上為評定

衆薙髮法名虛假東鑑關東評定屏居高野

山東鑑關東評定仁治三年卒關東評定子重

綱高信泰綱氏信佐佐木系圖重綱宇治河之戰

年十五攀父馬尾泗而涉河抵中島承父命

使于北條泰時軍往反將命時人壯之參取東鑑

承久記高信任左衛門尉嘉禎元年監修勢多

橋發高島郡民丁郡有日吉神人雜居延曆

寺僧徒改補其數人及發改補者請免公役

高信吏不聽至與神人忿鬪於是延曆寺僧

徒奉日吉神輿入京師訴之朝議流高信于

豐後東鑑豐後泰綱任左衛門尉印本尊補

檢非違使為近江守護任壹岐守東鑑印本

大日本史 卷一百九十三 列傳

嘗與澀谷武重番直幕府、泰綱稱武重為大名、武重怫然以為調已曰、我今不列大名、然家祖澀谷莊司實、則大名之列、足下曾祖流離之日、嘗衣食於我門、而今子孫見為大名、何得高自矜持而侮人哉、泰綱曰、日者源氏之衰、關東將士皆款附平氏、雖足下祖莊司亦不能獨立、我曾祖獨抗節不回、去歷世所傳佐佐木莊、率諸子僑寓相模、莊司以女妻曾祖、結子婿之分、則亦非不齒人類者、況及

右幕下創霸圖、與諸子建殊勲、兄弟五人補十七國守護、任檢非違使、則昔日流落、何足為恥、武重語塞、泰綱為北條氏所親信、子賴綱加首服于時、賴宅幕府上佐來會行禮、氏信任左衛門尉、遷對馬守、東鑑曾孫高氏自有傳、泰綱氏信子孫聯綿、世至國司衛府、佐佐木系圖、印本尊定綱、弟盛綱、卑分脈盛綱稱三郎、年十六謁源賴朝于配所、賴朝命安達盛長加首服、佐佐木系圖賴朝起兵之初、

從軍有壽永三年源範賴擊平氏于西海

平行盛據備前兒島範賴聞之棄舟至藤戶

敵屢揚扇招之範賴軍阻水不得濟盛綱求

一漁者訪淺處漁者曰上弦在東下弦在西

即夜與俱濟密立標還○諸本平家物語云盛綱恐漁人告淺處

于他人殺之滅口明日敵又招之盛綱與數騎躍馬

入海範賴懼其沒溺使人遏之盛綱為不聞

而進諸軍相繼濟擊走行盛源平盛衰記○

語共以此役係九月然據東鑑則範賴以十月至安藝此役在十二月而不載範賴事且

據明年正月賴朝與範賴書則盛綱不在範賴麾下而本書云盛綱屬範賴攻兒島恐誤

然無他書可徵姑從本書賴朝手書獎勸曰自古亂河者

有之未聞騎馬渡海者真希世之武功矣東鑑

因賜兒島源平盛衰記功補左兵衛尉為伊豫

守護食邑越後賴朝薨薙髮法名西念及賴

家嗣職寵待稍衰坐事奪食邑建仁元年越

後人城資盛反佐渡越後兵討之不能克幕

議以為將領非其人賴家命盛綱擊之時盛

綱在止野磯部書至適在門外即上馬揮鞭

而發從士不遑束裝倉皇追隨諫其輕易盛  
綱曰吾聞天覆中平將閉反宇治民部卿爲  
追討使方食詔書至拋箸入朝賜節刀不還  
家徑赴東國是勇士之所尚也乃倍道兼行  
三日到越後鴻坂遣使諭告不聽於是將越  
後佐渡信濃兵傳城盛綱子兵衛尉盛季先  
登海野幸氏爭先盛季從兵攬轡止之盛季  
乘間先登幸氏繼進城兵殊死戰盛季幸氏  
竝被創資盛姑坂額多力善射藤澤清親射

中股遂擒之資盛敗走城陷子信實盛季信  
實稱加地太郎父盛綱與賴朝爲雙陸戲信  
實時年十五陪側觀之工藤祐經後至抱遷  
信實代居其席信實色變起而飛礮中祐經  
額血流汚衣走出不知所之賴朝怒使盛綱  
追索不得盛綱謝曰永絕父子之恩不傳立  
錐之地賴朝曰汝須造祐經謝罪盛綱曰臣  
與祐經本無怨讐今以兒故屈膝儕輩非勇  
士之意願賜幕下寬譬以慰祐經意賴朝然

之遣使諭旨、祐經曰、原事所起、臣之過也、童子所爲、固無纖芥、况盛綱無所支梧乎、事遂得解、信實薙髮、法名西仁、後被赦、事幕府、承久之役、從北條朝時、由北陸道入京師、參議藤原信成、兵河勾家賢、據越後加地莊、願文山、信實擊敗之、林石黑等望風而降、東盛綱弟高綱、高綱稱四郎、驍健有膽略、依姨在京東吉田、稍長、欲事平氏、既而歎曰、家大人與六條判

官約爲父子、世均骨肉、吾豈執役仇家哉、聞賴朝起兵、辭姨赴之、無由得馬、羸滕履躡、至近江野洲河、天未曙、道路無人、有農父牽馬過、高綱假而騎之、濟河直去、馬主將大叫呼、高綱恥得賊名、殺馬主而去、遂謁賴朝于伊豆、石橋軍敗、賴朝逃于杉山、道路巉險、不得前、大庭景親躡後垂及、賴朝將射之、高綱曰、從者尚在、君何輕鬪、宜速去、臣請假君姓名而當敵、乃取弓矢、自稱賴朝、呼曰、東國武士、



世臣屬源氏，汝曹跨馬迫近，何無禮也。乃射敵馬，馬斃蹊塞，敵欲除去之。賴朝得聞脫走，高綱與定綱力鬪數合，遂卻敵，追及賴朝。賴朝大嘆賞之。源平盛衰記壽永三年討源義仲於京師，賴朝有二良馬，曰生唼，曰磨墨。生唼最駿，弟範賴及寵臣梶原景季欲得之，賴朝靳而不與，以磨墨賜景季。高綱自近江來謁，賴朝勞之曰：「吾謂卿徑向京師，不料至此。」曰：「臨戰陣者，不期生還，願生日一得趨謁，且親受

指揮，以竭驅馳之力，自發鄉里，三日到此，馬既疲頓，欲就親故丐之。然方今人人自備，竟不能得，故等輩皆發，臣獨未行。」賴朝曰：「義仲聞大軍至，撤宇治勢，多二橋以拒我軍，卿能先登乎？」對曰：「臣生長近江，宇治河深淺廣狹，諳熟久矣。先登固臣之任也。」賴朝乃賜生唼曰：「此吾所深愛，今特與汝。向者蒲冠者梶原景季皆請之不與，汝當識此意。」高綱大喜，拜謝曰：「將軍如聞敵未敗而臣既死，則是為人

所先也。如聞臣生存，則宜知其能踐前言於  
是。倍道兼行，至浮島原，下馬使馬卒數人牽  
之。景季見之，忿怒，欲刺高綱。當道而俟，高綱  
望見，耳語從騎曰：「景季不能得生，嗟！將洩憤  
于我嚮者將軍所諭，殆爲此也。」爭馬共死，不  
特無益，亦可媿焉。我將以溫言慰之，然事未  
可測。汝等竊備焉。語未畢，景季果問曰：「君得  
賜生，嗟邪？」高綱和顏曰：「適從近江來，馬病無  
副，欲就公厩借之。然吾聞磨墨既賜君生，嗟

則君與蒲殿屢乞不獲。君等猶然，況高綱乎。  
故誘馬卒盜之耳。他日如蒙咎責，請幸營救。  
景季以信然意釋，俱抵宇治。義仲遣其將根  
井幸親，楯親忠禦之。撤橋，水底布鹿角，引絙  
以梗馬足。高綱兵鹿島與一善泅，沒水底竊  
撤之。然雪消水漲，諸將未能涉。高綱、景季單  
騎自小島崎徑進，投于河水，爭先。景季先于  
高綱。高綱紹曰：「子馬肚帶縶，景季謂信然，更  
約肚帶。高綱乘間截流，大呼先登。畠山足利

三浦之徒相繼而濟，素親親忠，敗走，逐北入京師，與義仲戰于高條河原，破之，從義經見法皇。源平盛衰記累功為備前安藝等七國守護。源平盛衰記佐佐木賴朝之逃于杉山，謂高綱曰：我今日獲不死，實汝之力也。我如得號令天下，必分其半與汝，及討義仲，又曰：事平必踐前言，至是高綱以為賞薄，怨之。源平盛衰記薙髮入高野山。東鑑源平盛衰記佐佐木系圖建仁中延曆寺僧徒據金子山相攻，經高盛綱

奉敕擊之，高綱子重綱從焉。將發，高綱聞之，往見二兄，且說兵略，熟視重綱，久之無言，二兄在側，盛稱重綱武幹。高綱曰：不然，甲冑欲輕，弓矢欲短，便驅馳故也。山上坂本用步兵之地，今重綱厚甲大弓，器不稱身，欲免死可得乎？重綱果敗死。東鑑高綱弟義清稱五郎，居相模大庭。尊卑分脈娶大庭景親妹。源平盛衰記依外祖澀谷重國。東鑑石橋之戰，屬景親軍，攻賴朝，賴朝匿杉山，義清與景親追之，兄高綱讓曰：

大日本史卷一百九十三  
十三

我父與六條判官約為父子、世與源氏款密、

汝獨離父兄、執役敵軍、盡自知愧、義清不答、

參取東鑑源平盛衰記後被擒幽于盛綱家、以父兄故

被釋、事幕府、東鑑為隱岐守、東鑑尊卑分脈玄孫鹽冶

高貞自有傳、

大日本史卷之一百九十三終

